

# Treguesit demografikë


## Tremujori III – 2023

**Tiranë, më 10 nëntor 2023:** Shtesa natyrore e popullsisë për tremujorin e tretë 2023 regjistron 1.066 lindje më shumë se sa vdekje.

Numri i lindjeve për tremujorin e tretë 2023 është 6.070, duke shënuar një rënie me 7,4 %, krahasuar me tremujorin e tretë 2022.

Numri i vdekjeve për tremujorin e tretë 2023 është 5.004, duke shënuar një rënie prej 7,8 %, krahasuar me tremujorin e tretë 2022.

Fig. 1 Shtesa natyrore e popullsisë




\*\* Të dhëna janë paraprake

Në tremujorin e tretë 2023, gjashtë qarqe të vendit regjistrojnë shtesë natyrore pozitive të popullsisë, ndërsa në gjashtë qarqet e tjera, shtesa natyrore e popullsisë është negative.

Në tremujorin e tretë 2023, qarku me shtesën natyrore më të lartë është Tirana, me 913 lindje më shumë sesa vdekje, ndërsa qarku me shtesën natyrore më të ulët është Korça, me 132 vdekje më shumë se sa lindje.

Për publikim: 10 nëntor 2023

Fig. 2 Lindjet, vdekjet dhe shtesa natyrore sipas qarqeve, T3 – 2023\*\*



\*\* Të dhëna janë paraprake

### Lindjet

Në tremujorin e tretë 2023, një qark i vendit shënon rritje të numrit të lindjeve, ndërsa njëmbëdhjetë qarqe të tjera shënojnë ulje, në krahasim me tremujorin e tretë 2022.

Qarku me numrin më të lartë të lindjeve është Tirana me 2.233 lindje, ndërsa qarku me numrin më të ulët është Gjirokastra me 115 lindje.

Rënien më të madhe në përqindje të lindjeve, gjatë tremujorit të tretë 2023 krahasuar me tremujorin e tretë 2022 e ka qarku i Kukësit me 30,8 %.

**Tab. 1 Lindjet sipas qarqeve**

Nr.	Qarku	III - 22	IV - 22	I - 23**	II - 23**	III - 23**
	<b>Shqipëria</b>	<b>6.555</b>	<b>6.342</b>	<b>5.164</b>	<b>5.119</b>	<b>6.070</b>
1	Berat	267	224	195	168	234
2	Dibër	308	301	229	250	269
3	Durrës	707	731	577	576	679
4	Elbasan	618	563	433	455	522
5	Fier	536	547	422	440	532
6	Gjirokastrë	96	97	77	84	115
7	Korçë	342	301	280	290	339
8	Kukës	227	207	173	169	157
9	Lezhë	309	312	215	234	290
10	Shkodër	443	434	347	327	370
11	Tiranë	2.402	2.342	1.939	1.846	2.233
12	Vlorë	300	283	251	252	284
	*Të panjohur	0	0	26	28	46

\* Kategoria "Të panjohur" nënkupton numrin e lindjeve të gjalla, për të cilat informacioni i qarkut ku është regjistruar lindja mungon.<sup>1</sup>

\*\* Të dhëna janë paraprake

## Vdekjet

Në tremujorin e tretë 2023, njëmbëdhjetë qarqe të vendit shënojnë ulje të numrit të vdekjeve, ndërsa një qark shënon rritje, në krahasim me tremujorin e tretë 2022.

Qarku me numrin të ulët të vdekjeve është Kukësi me 120 vdekje, ndërsa qarku me numrin më të lartë është Tirana me 1.320 vdekje.

Uljen më të madhe në përqindje të vdekjeve gjatë tremujorit të tretë 2023, krahasuar me të njëjtën periudhë të vitit 2022 e zë qarku i Gjirokastrës me rënie prej 22,0 %.

<sup>1</sup> Shiko metodologjinë në linkun në vijim: <http://www.instat.gov.al/al/temat/treguesit-demografik%C3%AB-dhe-social%C3%AB/lindjet-vdekjet-dhe-martesat/#tab4>

**Tab. 2 Vdekjet sipas qarqeve**

Nr.	Qarku	III - 22	IV - 22	I - 23**	II - 23**	III - 23**
	<b>Shqipëria</b>	<b>5.429</b>	<b>5.384</b>	<b>5.557</b>	<b>4.654</b>	<b>5.004</b>
1	Berat	274	273	291	261	246
2	Dibër	222	200	227	201	198
3	Durrës	507	500	532	394	486
4	Elbasan	536	523	542	460	468
5	Fier	583	621	617	507	533
6	Gjirokastrë	186	190	214	166	145
7	Korçë	493	532	545	474	471
8	Kukës	145	133	132	97	120
9	Lezhë	255	264	261	219	200
10	Shkodër	490	398	448	383	405
11	Tiranë	1.319	1.339	1.358	1.147	1.320
12	Vlorë	419	411	381	334	391
	*Të panjohur	0	0	9	11	21

\* Kategoria "Të panjohur" nënkupton numrin e vdekjeve, për të cilat informacioni i qarkut ku është regjistruar vdekja mungon.

\*\* Të dhëna janë paraprake

# Metodologjia

Të dhënat tremujore për lindjet dhe vdekjet, në nivel kombëtar dhe qarku përbëjnë një hallkë të rëndësishme të demografisë së vendit. Ato paraqesin të dhëna mbi ndryshimet në popullsi, të cilat kanë impakt në jetën ekonomike dhe sociale të vendit. Këto të dhëna publikohen mbështetur në Programin e Statistikave Zyrtare 2022-2026.

## Lindjet

### *Të dhënat e lindjeve:*

Të dhënat e lindjeve sipas karakteristikave bazë demografike sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e lindjeve të banuesve në Shqipëri. Konsiderohen të gjitha lindjet e banuesve në Shqipëri gjatë periudhës referencë, duke mos marrë parasysh lindjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile, pranë ish-vendbanimeve të tyre.

### *Regjistrimet e vona të lindjeve*

Kryhet një rregullim i vogël i numrit të lindjeve që regjistrohen vonë për vitin aktual, në mënyrë që të përfshijmë të gjitha lindjet e ndodhura në periudhën referencë.

Numri i lindjeve të regjistruara vonë nga viti i mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të lindjeve nuk ndryshon shumë nga viti në vit.

## Vdekjet

### *Të dhënat e vdekjeve*

Të dhënat e vdekjeve, sipas karakteristikave bazë demografike sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e vdekjeve të banuesve në Shqipëri. Konsiderohen të gjitha vdekjet e banuesve në Shqipëri gjatë periudhës referencë, duke mos marrë parasysh vdekjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile pranë ish-vendbanimeve të tyre.

### *Regjistrimet e vona të vdekjeve*

Bëjmë një rregullim të vogël të numrit të vdekjeve që regjistrohen vonë për vitin aktual, në mënyrë që të përfshijmë të gjitha vdekjet e ndodhura në periudhën referencë.

Numri i vdekjeve të regjistruara vonë nga viti i mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të vdekjeve nuk ndryshon shumë nga viti në vit.

**Përkufizime:**

*Shtesa natyrore e popullsisë:* Shpreh rritjen/rënien e popullsisë, si rezultat i proceseve biologjike (lindjeve dhe vdekjeve) të saj, gjatë një periudhe kohe.

Ky tregues shprehet si diferencë ndërmjet lindjeve dhe vdekjeve.

*Lindje e gjallë:* Lindjet e fëmijëve që shfaqën shenja jete.

*Vdekje:* Nënkupton zhdukjen e përhershme të të gjitha shenjave të jetës, në çdo kohë pasi ka ndodhur një lindje e gjallë (ndërprerjen e funksioneve vitale, pa aftësinë e ringjalljes).